

撫安軍民擅離職守聞喪之日止於本處哭
臨三日進香遣官代行廣東廣西四川雲南
貴州所屬府州縣并土官及各布政司南北
直隸七品以下衙門俱免進香詔諭中外咸
使聞知

辦事吏詐喪遇幸仍發為民

一件禁約奸弊事成化二十三年十二月內該
吏部題

准今後辦事吏丁憂起復查有辦事一年者准其辦事訖
撥當該未滿一年者令其補辦前後共辦事
一年方許撥當該未辦事者照舊辦事仍查
本部每月放過丁憂官吏人等移咨都察院
暫行各該巡按御史嚴加查勘若是詐喪雖
經

敕宥終係行止有虧人數就彼問發如果丁憂是實行令
該管官司結回報候巡按一年滿日通將問
查過官員人等職名籍貫畧節揭帖徑送
本部以憑查照